



GIUSEPPE CABIZZOSU

BIBLIOTECA

www.giuseppecabizzosu.it

Raimondo Delogu

(Bitti XIX sec.)

Poesie scelte in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Raimondo Delogu

(Bitti XIX sec.)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Raimondo Delogu

(Bitti XIX sec.)

Di Bitti. Poeta improvvisatore.

Beneditta ti siat et donada

Beneditta ti siat et donada
cudda fiza penada cun dolore!
Mi costaiat et l'hapo pesada
cun cura, cun trabagliu et cun sudore.
Pro pagu tempus chi mi l'hat lassada
como si l'hat collida su Signore.

Fiza de amore, mira sos affannos
chi mi contristant sos floridos annos!

Guais mannos a su coro mi dada
su ponner una fiza in sepoltura,
pro me fit sa bella, s'istimada,
anghel'e Chelu in humana figura;
ma a sa morte remediù non b'hada,
ogni naschid'hat sa morte segura.

Cun tristura in cust'adde de affeu
passat su pelegriu cristianu,
fatta siat sa voluntade 'e Deu
ipse totu su mundu ch'hat in manu,
ca lu cuntemplat su sentidu meu
accompagnadu cun su Soberanu.

S'homine vanu chi no hat appicu
isbagliat in sa legge naturale,
nissunu ponzat in su mundu afficu
menzus chi fattat bene chi non male,
morit su poveru et morit su riccu
sa morte l'hamus totus eguale!

Generale sa morte nos casticat
Deus cumandat in chelu et in terra,
cando bi penso su coro si sicut
ca sa morte a dognunu ponet gherra,
unu nde lassat et unu nde picat
et su chi lassat nemus si l'afferrat.

Sa morte atterrat et culpa non b'hada
ca lu cumprendo in su pensare meu,
non cumbenit chi sias inculpada,
ubbidì tue, lu cumandat Deu;
morte chi ses timida et ses amada
a malos et a bonos das anneu.

Oh Deus chi has criadu donzi cosa
dami, ti preco, semper dirittura!
S'anima mia est allegra et dizzosa
si l'est aperta sa beata altura,
ipsa est ancilla, fiza tua et isposa
diletta a tivi et grata creatura.

Ca fit limpia, pura et minoredda,
senza malissia, ne devet peccadu,
como la ido morta, Antoniedda!
Su samben in sas venas m'has siccadu.
Deus mi lesset a Margaritedda
et i su restu chi bi sunt infattu!

Hap'abbrazzadu de Deus su podere,
Deus cumandat, fattat su chi chere'!

Miseru chie s'arrambat a gosinu

Miseru chie s'arrambat a gosinu
ca s'arrambat a truzzu formigosu,
male est s'est riccu et peus bisonzosu,
non s'ind'isfadat de lu cumandare,
si lu chircant ad s'hora de pagare
nde perdent s'amistade pro continu.

Perdene pro continu s'amistade
s'andant a dimandare su trabagliu,
cun gosinu non bi hat fidelidade
ca jughet duas caras che freagliu:
barbaru et de paga caridade
ma in s'ipsoro non faghent isbagliu,
lu naro nen dep'esser faulagliu
ca nd'hapo idu pratica meschinu.

Tantos et tantos nd'hapo praticatu
gosinos et segnores in civile,
et pro su bene chi lis hapo fattu
m'hant trattadu coment'un'iscobile,
si non mi fia difesu et manizatu
mi fia arruinende su foghile;
cun sos chi so istadu pius umile
cussos m'hant fattu peus de buzzinu.

Gosinu non dat mai paga bona
mancari parzat amicu corale,
cando li venit sutta non perdonat,
si faghes bene currispondet male,
mai hapo idu a gosinu corona
mancu in su tempus quaresimale:
sende chi jughent anima immortale
non connoschent su Deus unu et trinu,

Non connoschent su Deus criadore
chi sa materia informe hat ordinadu,
sunu pro su comune irrobbaadores
aumentende in su male furadu,
presuntuosos falsificadores
chi cherene su poveru atterradu,
ma de gosinu puru nd'hat istadu
caddu de palu et torradu a runzinu.

De cavaglieri torradu a teraccu
nd'hapo idu et connotu a tempus meu,

cussos crediant in sa fide pacu,
pro cussu forte los castigat Deu;
ogni predicadore nd'est istraccu
giamendelos continu a giubileu,
antis sunu faghinde male et peu'
ca sunt ancora de pessimu inclinu.

A giubileu non charent andare,
abbandonant sa legge cristiana,
si sunu dados ad interessare
narendu chi sa morte nd'est lontana
ma ad su minutu chi a Deus pare'
mandat sa morte et perdene cant'hana:
solamente unu toccu de campana
tènene pro si jugher a caminu.